



Charlotte Pike  
Inatsisartunut ilaasortaq, Inuit Ataqtigiit

**Innuttaasunik peqataasitsisarneq pillugu – § 37 naapertorlugu apeqqutip nr. 092/2022-p akineqarnera**

Asasara Charlotte,

Inatsisartut suleriaasiat naapertorlugu apeqqutigisimasannut qujanaq. Apeqqutigineqartut tullinnguuttuni akissuteqarfigissavakka.

**Apeqqutit 1. Naalakkersuisut qanormita pilersaaruteqarpat avinngarusimasuni/isorliunerusuni nunaqarfinnilu peqataatitsinerulernissaq pillugu?**

**Akissut.** Naalakkersuisooqatigiit nunatta naalakkersuinikkut aqunneqarneranut innuttaasut peqataatinneqarnerunissaasa pingaernerutinnissaat isumaqatigiissutigaa, taamaattumillu Naalakkersuisut innuttaasunut qanimut sulinertik attatissavaat. Naalakkersuisut nunami tamarmi innuttaasut pillugit sulipput – nunami qitiusumi najugalinnut taamatuttaaq isorliunerusuni najugalinnut.

Innuttaasunik peqataatitsineq tassaavoq innuttaasunik naapeqatiginninniartarneq – amerlanertigullu politikikkut suliniummit aallaaveqartarluni. Suliniutit ilaat inuiaqatigiinnut tamanut sammiveqarput, ilaalli inuiaqatigiit ilaannut nunatsinniluunniit sumiiffiit ilaannut aalajangersimasunut siunnerfeqarlutik. Suliniutini tassunga atatillugu kikkut qanorlu tusarniarneqassanersut pillugit malittarisassanik erseqqilluinnartunik maleruagassaqaarsinnaavoq. Taamaattumik innuttaasunik peqataasitseriaaseq allanngorsinnaavoq. Innuttaasut tassunga atatillugu qanoq pitsaanerpaamik oqaaseqartinneqarsinnaanersut pingaernerpaavoq. Naalakkersuisut matumani innuttaasunik digitalikkut ornigullunilu naapeqateqartarnerit pingaartilluinnarpaat. Taamaattumillu ingerlaavartumik innuttaasunik ataatsimiisitsisarsimapput oqaloqateqartarsimallutillu aammalu illoqarfinnut nunaqarfinnullu tikeraartarsimallutik. Taakku pingaarutilerujussuartut inissisimapput.

Matumani Naalakkersuisut Ilulissani 7. -8- september 2022-mi najugaqarfiit pillugit isummersoqatigiinnissamut aggersaasimanerat eqqaassallugu nuannaarutigaa. Isummersoqatigiinneq innuttaasunik peqataasitsisarneq pitsanngorsassanersoq pillugu isumaliuteqarnissamut periarfissatsialaassaaq.

31.maj 2022  
Sulip normua 2022-10832  
Allakkap normua 20268879

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
e-mail: govsec@nanoq.gl  
www.naalakkersuisut.gl

**Apeqqutit 2. Innuttaasut avinngarusimasuni/isorliunerusuni nunaqarfinnilu attaveqatigiinneq innuttaasut Naalackersuinikkullu aqutsineq eqqarsaatigalugu tusarniarneqartarneq pitsaanerusoq qanoq naatsorsuuteqarfiginerulersinnaavaat?**

**Akissut. Siuliani akissutigineqartut takukkit.**

Inussiarnersumik inuulluaqqusillunga



Múte B. Egede